

# Lydian (Amulsar Gold Mine) - Extension

Երկիր՝  
Ծրագրի համար՝  
Բիզնես ոլորտ՝  
Ծանուցման տեսակ՝  
Բնապահպանական կարգ՝  
Հաստատման ամսաթիվ՝  
Կարգավիճակ՝  
ԾԱՓ-ի հրապարակում

Հայաստան  
48579  
բնական պաշարներ  
մասնավոր  
A  
հունիսի 20, 2016 թ.  
**Միջոցների տրամադրում**  
մայիսի 19, 2016 թ.

## Ծրագրի նկարագիր

2015 թ.-ին «Լիդիան Ինթերնեյշնլ» ՍՊԸ-ն ավարտել է Ամուլսարի ոսկու հանքավայրի հետազոտական աշխատանքները և ֆինանսավորում ապահովագրել հանքավայրի շահագործման նպատակով: 2016 թ.-ին ՎԶԵԲ-ը կապիտալ էր տրամադրել «Լիդիան Ինթերնեյշնլ» ընկերությանը, որը նախատեսված էր շրջակա միջավայրի և սոցիալական ազդեցության մեղմացմանն ուղղված միջոցառումների (ինչպես սահմանված է ՇՄՍԳԴ-ում, այդ թվում՝ կենսաբազմազանության բալանսի պահպանման ծրագրի և ջրի մաքրման կայանի կառուցման ֆինանսավորման նպատակով) և այլ հարակից գործողությունների համար:

## Հաճախորդի մասին

«ԼԻԴԻԱՆ ԻՆԹԵՐՆԵՅՆԼ» ՍՊԸ

«Լիդիան Ինթերնեյշնլ» ՍՊԸ-ն հրապարակային բաժնետիրական կորպորացիա էր՝ գրանցված Ջերսիում, Նորմանդյան կղզիներում և ցուցակված էր Տորոնտոյի ֆոնդային բորսայում: Հայաստանում ընկերության հիմնական կապիտալը Ամուլսարի ոսկու հանքավայրն էր:

«Լիդիան Ինթերնեյշնլ» -ը անվճարունակ է դարձել 2019 թ.-ին և դիմել է Կանադայում գտնվող իր պարտատերերից պաշտպանվելու համար, ինչը թույլ է տվել ընկերությանը վերակազմավորել իր ձեռնարկատիրական և ֆինանսական գործերը: Որպես անվճարունակության գործի քննության մաս, ընդունվել է կորպորատիվ վերակազմավորման ծրագիր, որի արդյունքում ընկերության գործող գլխավոր վարկատուները՝ «Լիդիանը» Կանադայում, «Լիդիանը» Մեծ Բրիտանիայիում և «Լիդիան Արմենիան» իրենց տիրապետման և վերահսկողության տակ են վերցրել «Լիդիան Ինթերնեյշնլի» ակտիվները, մինչդեռ վերջինս Ջերսիի իրավասու դատարանում անցնում է փակման վարույթով:

2020 թ.-ի հունիսի դրությամբ Ամուլսարի ոսկու հանքավայրը պատկանում է կանադական «Լիդիան Վենչուրսին», որտեղ ՎԶԵԲ-ը բաժնետեր չի հանդիսանում: ՎԶԵԲ-ը շարունակում է մնալ բաժնետեր ներկայումս Ջերսիում գրանցված «Լիդիան Ինթերնեյշնլում», որը չունի ակտիվներ: Վարկատուները կդիմեն Ջերսիի դատարանին՝ լուծարման գործընթացն արագացնելու նպատակով:

## ՎՉԵԲ-ի կողմից տրամադրած ֆինանսավորումը

Բանկը ներդրել է 11.4 մլն կանադական դոլար՝ ձեռք բերելու ընկերության բաժնետոմսերը որպես իր կապիտալի ավելացման մաս: Միջոցները օգտագործվել են ծրագրի մաս կազմող բնապահպանական և սոցիալական ազդեցության մեղմացման միջոցառումների ֆինանսավորման նպատակով: ՎՉԵԲ-ը ներդրում չի կատարել «Լիդիան Վենչուրսում» և որևէ ֆինանսական հետաքրքրվածություն չունի նշված ընկերության մեջ:

## Բնապահպանական և սոցիալական ազդեցությունների ամփոփ նկարագիր

Ծրագրի համար կազմվել էր ՇՄՍԱԳ և ՎՉԵԲ-ն ակտիվորեն մշտադիտարկում էր ՇՄՍԱԳ-ի իրականացումը մինչև ընկերության անվճարունակության փուլը, որից հետո ՎՉԵԲ-ի ֆինանսական հետաքրքրվածությունը Ամուլսարի նախագծի նկատմամբ դադարել է:

## ԾԱՓ-ի վերջին թարմացումը՝

օգոստոսի 06, 2020 թ.

### Անցումային շրջանի ընկալումը

Այստեղ կարող եք լրացուցիչ տեղեկություններ գտնել առ այն, թե ինչ մոտեցումներ է կիրառում ՎՉԵԲ-ը անցումային շրջանում առաջընթացի վրա ազդեցությունը չափելու համար:

### Բիզնես հնարավորություններ

Բիզնես հնարավորությունների համար դիմե՛ք հաճախորդի ընկերությանը:

ՎՉԵԲ-ի հետ կապված (գնումներին չառնչվող) բիզնես հնարավորությունների համար դիմե՛ք.

Հեռ.՝ +44 20 7338 7168

Էլ-փոստ՝ [projectenquiries@ebrd.com](mailto:projectenquiries@ebrd.com)

Պետական ոլորտում ծրագրերի համար տե՛ս [ՎՉԵԲ-ի Գնումներ](#)

Հեռ.՝ +44 20 7338 6794

Էլ-փոստ՝ [procurement@ebrd.com](mailto:procurement@ebrd.com)

### Ընդհանուր հարցումներ

Հատուկ հարցումներ կարող եք անել՝ օգտագործելով [ՎԶԵԲ-ի հարցումների ձևաթուղթը](#)

### **Բնապահպանական և սոցիալական քաղաքականություն (ԲՍՔ)**

ԲՍՔ-ն և դրա հետ կապված՝ Կատարողականի նկատմամբ Պահանջները (ԿՊ-ներ) սահմանում է այն ուղիները, որոնց միջոցով ՎԶԵԲ-ն իրականացնում է իր հանձնառությունը՝ խթանելու «էկոլոգիապես առողջ և կայուն զարգացումը»: ԲՍՔ-ն և ԿՊ-ները ընդգրկում են հատուկ դրույթներ, ըստ որոնց հաճախորդները պետք է համապատասխանեն հրապարակայնացման և խորհրդատվության մասին ազգային օրենքների կիրառվող պահանջներին, ինչպես նաև ստեղծեն բողոքարկման մեխանիզմ՝ շահագրգիռ կողմերի մտահոգությունները և բողոքները ստանալու և լուծումները դյուրացնելու նպատակով, մասնավորապես, հաճախորդի և ծրագրի կողմից բնապահպանական և սոցիալական հարցերի կատարողականի վերաբերյալ: Կախված ծրագրի բնապահպանական և սոցիալական ռիսկերի և ազդեցությունների բնույթից և մասշտաբից, ՎԶԵԲ-ը լրացուցիչ պահանջում է, որ իր հաճախորդները, անհրաժեշտության դեպքում, տեղեկություն հրապարակեն ծրագրից բխող ռիսկերի և ազդեցությունների վերաբերյալ կամ բովանդակալից խորհրդակցություններ անցկացնեն շահագրգիռ կողմերի հետ, դիտարկեն նրանց կարծիքներն ու արձագանքեն դրանց:

Այս կապակցությամբ ՎԶԵԲ-ի գործելակերպի վերաբերյալ ավելի մանրամասն տեղեկությունները ներկայացված են [ԲՍՔ-ում](#):

### **Բարեվարքություն և համապատասխանություն**

ՎԶԵԲ-ի՝ Համապատասխանության վերահսկման գլխավոր տնօրենի գրասենյակը (ՀՎԳՏԳ) խթանում է լավ կառավարումը և ապահովում բարեվարքության բարձրագույն չափանիշների կիրառումը Բանկի գործունեության բոլոր ասպեկտներում՝ միջազգային լավագույն փորձի համաձայն: Բանկի բոլոր հաճախորդների վերաբերյալ իրականացվում է բարեվարքության պահանջներին համապատասխանության ստուգում-ուսումնասիրություն՝ համոզվելու, որ ծրագրերը չեն պարունակում Բանկի համար անընդունելի ռիսկեր բարեվարքության կամ հեղինակության առումով: Բանկի համոզմամբ, ծրագրի գնահատման և հաստատման փուլերում խնդիրների հայտնաբերումն ու լուծումը Բանկի գործարքների բարեվարքության ապահովման ամենաարդյունավետ միջոցներն են: ՀՎԳՏԳ-ն առանցքային դեր է կատարում պաշտպանիչ այս գործողություններում, ինչպես նաև օգնում է վերահսկել բարեվարքությանն առնչվող ռիսկերը ծրագրերի հետներդրումային փուլերում:

ՀՎԳՏԳ-ն նաև պատասխանատու է ՎԶԵԲ-ի կողմից ֆինանսավորվող ծրագրերում խարդախության, կոռուպցիայի և չարաշահման կապակցությամբ մեղադրանքների

հետաքննության համար: Ցանկացած անձ, ինչպես Բանկի ներսում, այնպես էլ նրա սահմաններից դուրս, ով կասկածներ ունի, որ առկա են խարդախության կամ կոռուպցիայի դեպքեր, պետք է գրավոր զեկույց ներկայացնի Համապատասխանության վերահսկման գլխավոր տնօրենին էլ-փոստով՝ [compliance@ebrd.com](mailto:compliance@ebrd.com): Խնդիրների մասին բոլոր զեկույցները կքննվեն ՀՎԳՏԳ-ի կողմից՝ հետագա քայլերը որոշելու նպատակով: Քննվելու են բոլոր զեկույցները, այդ թվում՝ անանուն զեկույցները: Զեկույցները կարող եք ներկայացնել Բանկի կամ Բանկի գործունեության երկրների ցանկացած լեզվով: Տեղեկությունը տրամադրելիս անհրաժեշտ է բարեխղճորեն վարվել:

### **Տեղեկությունների հասանելիության քաղաքականություն (ՏՀՔ)**

ՏՀՔ-ն սահմանում է, թե ինչպես է ՎԶԵԲ-ը հրապարակայնացնում տեղեկությունները և խորհրդակցում շահագրգիռ կողմերի հետ, որպեսզի նպաստի ՏՀՔ-ի ռազմավարությունների, քաղաքականությունների և գործառնությունների մասին ավելի լավ իրազեկմանն ու ընկալմանը 2020թ. հունվարի 1-ից ուժի մեջ մտնելուց հետո: Խնդրում ենք այցելել [Տեղեկությունների հասանելիության քաղաքականության](#) կայքէջը՝ պարզելու, թե ինչ տեղեկություններ կան ՎԶԵԲ-ի կայքում:

Տեղեկություններ ստանալու վերաբեյալիստույժ հարցումները կարող եք ներկայացնել՝ օգտագործելով [ՎԶԵԲ-ի՝ հարցումների ձևաթուղթը](#):

### **Ծրագրի բողոքարկման մեխանիզմ (ԾԲՄ)**

Եթե Հաճախորդի կամ Բանկի հետ կապված բնապահպանական, սոցիալական կամ հրապարակայնության հետ կապված խնդիրների լուծմանն ուղղված ջանքերը (օրինակ՝ Հաճախորդի՝ Ծրագրի մակարդակով բողոքարկման մեխանիզմի միջոցով, կամ Բանկի ղեկավարության անմիջական ներգրավման միջոցով) ձախողվում են, անհատներն ու կազմակերպությունները կարող են դիմել ՎԶԵԲ-ի հաշվետվողականության մեխանիզմին՝ իրենց մտահոգող հարցերի լուծում ստանալու նպատակով:

Հաշվետվողականության մեխանիզմը անկախ եղանակով քննում է Ծրագրին առնչվող ան խնդիրները, որոնք, ենթադրաբար, վնաս են պատճառել (կամ հավանական է, որ վնաս կպատճառեն): Մեխանիզմի նպատակը հետևյալն է. աջակցել Ծրագրի շահագրգիռ կողմերի միջև երկխոսությանը՝ լուծելու բնապահպանական, սոցիալական և հրապարակայնության հետ կապված խնդիրները, պարզելու, արդյոք Բանկը համապատասխանել է իր իսկ՝

[Բնապահպանական և սոցիալական քաղաքականությանը](#) կամ կոնկրետ Ծրագրին վերաբերող [Տեղեկությունների հասանելիության քաղաքականության](#) դրույթներին

և, անհրաժեշտության դեպքում, լուծելու այդ քաղաքականությանը չհամապատասխանելու ցանկացած խնդիր, միաժամանակ կանխելով Բանկի կողմից հետագա անհամապատասխանությունը:

Խնդրում ենք այցելել մեր կայքէջը՝ պարզելու, թե ինչպես կարող եք բողոք ներկայացնել՝ լրացնելով գաղտնի առցանց ձևաթուղթ, էլ-փոստով, փոստով կամ հեռախոսով: Մենք պատրաստ ենք քննարկել Ձեր մտահոգությունները և պատասխանել Ձեր ցանկացած հարցին, որը վերաբերում է բողոքների ներկայացմանը կամ վարմանը: Բողոք ներկայացնող դիմումատուի ինքնությունը կարող ենք գաղտնի պահել, եթե այդպիսի պահանջ ներկայացվի:

Խնդրում ենք նկատի ունենալ, որ 2020թ.-ին մեխանիզմի նոր ղեկավար նշանակելուց հետո ուժի մեջ կմտնեն Ծրագրի հաշվետվողականության քաղաքականության և Ուղեցույցի վերանայված տարբերակները՝ դեպքերի քննության վերաբերյալ ուղղություններ տրամադրելու նպատակով: